

8-22 賣油翁

建議對應基本學習內容條目	句段	(閱讀) 根據句義理解段落的主旨。
	篇章	(說話) 重述 400 字篇章的內容重點。 把自己知道的資訊和別人分享。 (閱讀) 讀出篇章的重要訊息(人、事、時、地、物、原因、順序、重點、主旨)。 理解篇章的條理結構。 概略理解淺近文言文的篇章大意。
	語文常識	(文學) 認識重要作家及作品。

文本內容：

陳康肅公善射，當世無雙，公亦以此自矜。嘗射於家圃，有賣油翁釋擔而立，睨之，久而不去。見其發矢十中八九，但微頷之。

康肅問曰：「汝亦知射乎？吾射不亦精乎？」翁曰：「無他，但手熟爾。」康肅忿然曰：「爾安敢輕吾射！」翁曰：「以我酌油知之。」乃取一葫蘆置於地，以錢覆其口，徐以杓酌油瀝之，自錢孔入，而錢不溼。因曰：「我亦無他，惟手熟爾。」康肅笑而遣之。